



Broj nabavke: 287/19
Broj akta: 453/19
Datum: 21.03.2019. godine

Tel/Fax. 051/532-072, 530-645
Žiro rn: 562-099-00002620-06 Razvojna b.
PDV:401147850009
JIB: 4401147850009
Matični br: 01164899
Upisano kod Osnovnog suda B. Luka
registar br: MBS: 1-354-00

Na osnovu člana 68. stav 4. tačka i) i j), člana 69. stav 2. tačka e) i člana 70. stav 1., 3. i 6. Zakona o javnim nabavkama Bosne i Hercegovine ("Službeni glasnik Bosne i Hercegovine", broj 39/14), a na preporuku Komisije za javnu nabavku date u Zapisniku o pregledu i ocjeni ponuda broj: 448/19 od 20.03.2019. godine, direktor KP "Budućnost" a.d. Laktaši, dana 21.03.2019. godine, donio je

ODLUKU o poništenju postupka javne nabavke

I

Prihvata se preporuka Komisije za javnu nabavku usluga popravke pumpi sa elektromotorima data u Zapisniku o pregledu i ocjeni ponuda broj: 448/19 od 20.03.2019. godine, te se poništava postupak javne nabavke usluga popravka pumpi sa elektromotorima, za koji je na Portalu javnih nabavki objavljeno Obavještenje o nabavci broj: 470-7-2-13-3-4/19, jer je cijena jedine prihvatljive ponude znatno veća od osiguranih sredstava za predmetnu nabavku.

II

Odbacuju se kao neprihvatljive ponude ponuđača "Elektroremont" d.d. Banovići i "Konel" d.o.o. Trn – Laktaši.

III

Ova Odluka objaviće se na web stranici www.kpbuducnost.com istovremeno sa njenim upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Ova Odluka dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom pokretanju postupka javne nabavke usluga broj: 287/19 od 22.02.2019. godine.

Javna nabavka je sprovedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosila je 30.000,00 KM.

Obavještenje o nabavci broj: 470-7-1-12-3-3/19 poslato je na objavljivanje dana 22.02.2019. godine, a objavljeno je na Portalu javnih nabavki dana 22.02.2019. godine, uz objavu tenderske dokumentacije na portalu javnih nabavki.

Istovremeno sa Objavom obavještenja o nabavci, izvršeno je upućivanje zahtjeva za dostavljanje ponude troma potencijalnim ponuđačima, a u skladu sa članom 88. stav 1. Zakona o javnim nabavkama.

Komisija za javnu nabavku imenovana je Odlukom o imenovanju komisije za javnu nabavku usluga popravke pumpi sa elektromotorima broj: 288/19 od 22.02.2019. godine.

Komisija za javnu nabavku dostavila je dana 20.03.2019. godine Zapisnik o pregledu i ocjeni ponuda broj: 448/19 od 20.03.2019. godine, sa preporukom da se predmetni postupak javne nabavke poništi jer je cijena jedine prihvatljive ponude znatno veća od osiguranih sredstava za predmetnu nabavku.

U postupku po Zapisniku o pregledu i ocjeni ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri);
- da su blagovremeno zaprimljene 3 (tri) ponude;
- da nema neblagovremeno zaprimljenih ponuda;
- da su ponude ponuđača: "Elektroremont" d.d. Banovići i "Konel" d.o.o. Trn – Laktaši neprihvatljive
- da ponuda ponuđača "Vikler-promet" d.o.o. Sarajevo formalno-pravno prihvatljiva, ali cijena ponude nije prihvatljiva jer je ista znatno veća od osiguranih sredstava za predmetnu nabavku.

Komisija za javnu nabavku je u Zapisniku o pregledu i ocjeni ponuda broj: 448/19 od 20.03.2019. godine navela da je prilikom pregleda i ocjene ponude ponuđača **"Elektroremont" d.d. Banovići** utvrdila da je ponuda ponuđača neprihvatljiva iz sljedećih razloga:

- ponuđač na strani 23. ponude, u obrascu Spisak izvršenih ugovora, nije u cjelosti popunio obrazac, odnosno nije naveo naziv ponuđača na za to predviđenom mjestu,
- ponuđač na strani 25. ponude, u Izjavi o ispunjenosti uslova iz člana 50. Zakona o javnim nabavkama, na mjestu koje je predviđeno za unos podataka o davaocu izjave i privrednom društvu koje predstavlja, nije naveo položaj davaoca izjave u privrednom društvu, iako je taj podatak tražen u obrascu izjave,
- ponuđač na strani 25. ponude, u Izjavi o ispunjenosti uslova iz člana 50. Zakona o javnim nabavkama, nedostaje potpis davaoca izjave na za to predviđenom mjestu,
- ponuđač na strani 26. ponude, u Izjavi iz člana 52. Zakona o javnim nabavkama, na mjestu koje je predviđeno za unos podataka o davaocu izjave i privrednom društvu koje predstavlja, nije naveo položaj davaoca izjave u privrednom društvu, iako je taj podatak tražen u obrascu izjave.

Komisija za javnu nabavku je navela da je tačkom 8.2.2. Konkurentskog zahtjeva za dostavu ponuda određeno je da će ponude ponuđača biti odbačene u slučaju da ne dostave tražene dokumente ili ih dostave na nepotpun ili nepropisan način. Obzirom da je ponuđač dostavio tražene dokumente, ali isti ne sadrže sve podatke koji su traženi, a koji su gore detaljno navedeni, Komisija za javnu nabavku je ponudu ponuđača **"Elektroremont" d.d. Banovići** ocijenila neprihvatljivom, te je dala preporuku Ugovornom organu da ponudu odbaci kao neprihvatljivu.

Ugovorni organ je prihvatio preporuku Komisije za javnu nabavku, te je na osnovu člana 68. stav 4. tačka i) Zakona o javnim nabavkama Bosne i Hercegovine odbacio ponudu ponuđača "Elektroremont" d.d. Banovići, jer ista ne ispunjava zahtjeve iz tenderske dokumentacije, a iz gore navedenih razloga koje je Komisija za javne nabavke obrazložila u Zapisniku o pregledu i ocjeni ponuda. Članom 68. stav 4. tačka i) Zakona o

javnim nabavkama propisano je da je ugovorni organ dužan odbaciti ponudu u slučaju da ponuda ne ispunjava zahtjeve iz tenderske dokumentacije.

Komisija za javnu nabavku je u Zapisniku o pregledu i ocjeni ponuda broj: 448/19 od 20.03.2019. godine navela da je prilikom pregleda i ocjene ponude ponuđača **"Konel" d.o.o. Trn – Laktaši** utvrdila da je ponuda ponuđača neprihvatljiva iz sljedećih razloga:

- da ponuđač nije u cjelosti popunio Obrazac za cijenu ponude, odnosno nije naveo cijene za sve stavke iz Obrascu za cijenu ponude. Tako je u Obrascu za cijenu ponude u tabelama koje se odnose na pumpe: Elektrovina VCV, 150/12T, 7,5 kW, vertikalna; Elektrovina VCV, 150/4T, 3 kW, vertikalna; Elektrovina VCE, 55 T3, 1,5 kW, vertikalna; Speroni VS 8-15, 5,5 kW, vertikalna, nije naveo ni jediničnu ni ukupnu cijenu za popravku membrane, zamjenu semeringa i zamjenu tečnosti u elektro-motoru, već je umjesto navođenja cijene napisao znak "-". Nadalje, u tabeli Obrascu za cijenu ponude koji se odnosi na pumpu Wilo FC3 HELIX V1608-1, 3 kW, vertikalna nije naveo ni jediničnu ni ukupnu cijenu za popravku membrane, izradu i ugradnju kliznog ležaja, zamjenu semeringa i zamjenu tečnosti u elektro-motoru, već je umjesto navođenja cijene napisao znak "-". Kod pumpe Grundfos SP-77-7, 26 kW, potopna, ponuđač nije naveo ni jediničnu ni ukupnu cijenu za ugradnju klina i zamjenu semeringa, već je umjesto navođenja cijene napisao znak "-". Kod pumpi: Vogel 87TV 4/1, 30kW, potopna; Caprari E10S50-8/3D-V, 37 kW, potopna, i Lowara Z 658/8-SD, 15 kW, potopna, ponuđač nije naveo ni jediničnu ni ukupnu cijenu za zamjenu semeringa, već je umjesto navođenja cijene napisao znak "-".
- na strani 18. ponude, u obrascu Spisak izvršenih ugovora, nije u cjelosti popunio obrazac, odnosno nije naveo naziv ponuđača na za to predviđenom mjestu,
- da ponuđač na strani 29. ponude, u Izjavi o ispunjenosti uslova iz člana 50. Zakona o javnim nabavkama, na mjestu koje je predviđeno za unos podataka o davaocu izjave i privrednom društvu koje predstavlja, nije naveo položaj davaoca izjave u privrednom društvu, iako je taj podatak tražen u obrascu izjave, niti je naveo broj obavještenja o nabavci, kao ni mjesto davanja izjave,
- ponuđač na strani 20. ponude, u Izjavi iz člana 52. Zakona o javnim nabavkama, na mjestu koje je predviđeno za unos podataka o davaocu izjave i privrednom društvu koje predstavlja, nije naveo položaj davaoca izjave u privrednom društvu, iako je taj podatak tražen u obrascu izjave,

Komisija za javnu nabavku je navela da je tačkom 8.2.2. Konkurentskog zahtjeva za dostavu ponuda određeno je da će ponude ponuđača biti odbačene u slučaju da ne dostave tražene dokumente ili ih dostave na nepotpun ili nepropisan način. Tačkom 8.5.1. Konkurentskog zahtjeva određeno je da su ponuđači dužni dostaviti Obrazac za ponudu (Aneks 1) i Obrazac za cijenu ponude (Aneks 2), u skladu sa svim zahtjevima koji su definisani u pomenutim aneksima u tenderskoj dokumentaciji, za sve stavke koje su sadržane u obrascu za cijenu ponude. Nadalje, tačkom 8.5.4. Konkurentskog zahtjeva određeno je da u slučaju da ponuđač propusti popuniti obrazac za cijenu ponude u skladu sa postavljenim zahtjevima, za sve stavke koje su navedene, njegova ponuda će biti odbačena.

Obzirom da je ponuđač dostavio tražene dokumente, ali isti ne sadrže sve podatke koji su traženi ili nisu popunjeni na način tražen Konkurentskim zahtjevom, a što je gore Komisija za javnu nabavku detaljno navedela, Komisija za javnu nabavku je ponudu ponuđača **"Konel" d.o.o. Trn - Laktaši** ocijenila neprihvatljivom, te je dala preporuku Ugovornom organu da ponudu odbaci kao neprihvatljivu.

Ugovorni organ je prihvatio preporuku Komisije za javnu nabavku, te je na osnovu člana 68. stav 4. tačka i) Zakona o javnim nabavkama Bosne i Hercegovine odbacio ponudu ponuđača "Konel" d.o.o. Trn – Laktaši, jer ista ne ispunjava zahtjeve iz tenderske dokumentacije, a iz gore navedenih razloga koje je Komisija za javne nabavke obrazložila u Zapisniku o pregledu i ocjeni ponuda. Članom 68. stav 4. tačka i) Zakona o javnim nabavkama propisano je da je ugovorni organ dužan odbaciti ponudu u slučaju da ponuda ne ispunjava zahtjeve iz tenderske dokumentacije.

Komisija za javnu nabavku je Zapisniku o pregledu i ocjeni ponuda broj: 448/19 od 20.03.2019. godine navela da ponudu ponuđača "Vikler-promet" d.o.o. Sarajevo smatra formalno-pravno prihvatljivom, ali cijenu ponude ne smatra prihvatljivom jer je ista znatno veća od osiguranih sredstava za predmetnu nabavku. Naime, procijenjena vrijednost predmetne nabavke i osigurana sredstva za istu iznose 30.000,00 KM bez PDV-a, dok je ponuđač ponudio cijenu od 36.930,00 KM, koja je za više od 23 % veća u odnosu procijenjenu vrijednost nabavke, te je ista znatno veća od osiguranih sredstava za predmetnu nabavku.

Ugovorni organ je prihvatio preporuku Komisije za javne nabavke, te je na osnovu člana 69. stav 2. tačka e) Zakona o javnim nabavkama ("Službeni glasnik Bosne i Hercegovine", broj 39/14) odlučio da poništi postupak predmetne javne nabavke, jer je cijena jedine prihvatljive ponude znatno veća od osiguranih sredstava za predmetnu nabavku. Naime, ponuđač "Vikler-promet" d.o.o. Sarajevo, čija je ponuda jedino ocijenjena prihvatljivom, ponudio je ukupnu cijenu ponude od 36.930,00 KM bez PDV-a, dok je procijenjena vrijednost nabavke i osigurana sredstva iznosila 30.000,00 KM, što znači da je cijena ponude za više od 23 % veća od osiguranih sredstava za predmetnu nabavku, te Ugovorni organ tu razliku smatra znatno većom u smislu člana 69. stav 2. tačka e) Zakona o javnim nabavkama.

U postupku donošenja ove Odluke posebno su cijenjene činjenice da je Komisija, potpuno i pravilno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz konkurentskog zahtjeva.

U postupku ocjene provedenog postupka, direktor Ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Iz navedenih razloga, primjenom člana 68. stav 4. tačka i) i j) i člana 69. stav 2. tačka e) Zakona o javnim nabavkama odlučeno je kao u dispozitivu Odluke.

Pouka o pravnom lijeku

Protiv ove Odluke može se izjaviti žalba Kancelariji za razmatranje žalbi, putem Ugovornog organa, u roku od 5 (pet) dana od dana prijema ove Odluke.

ZA-UGOVORNI ORGAN

 Direktor
Kelečević Dragan

Dostaviti:

- Ponuđaču: "Elektroremont" d.d. Banovići,
- Ponuđaču: "Konel" d.o.o. Trn – Laktaši,
- Ponuđaču: "Vikler promet" d.o.o. Sarajevo